

中國方志叢書·華中地方·第五二九號

據

清·三寶，王喜望輯
清乾隆間精鈔本

影印

浙江省

蓮華峯古蹟考略



成文出版社有限公司印行

sk50/12



10101659

中華民國七十二年三月臺一版

蓮華峯古蹟考略

全一冊

發行人：黃

成

助

台北郵政信箱二二六〇五號

出版者：

成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：

上林彩色印刷有限公司

台北市大理街145號

新聞局出版登記證：局版台業字第二四三號

325
道光元年辛巳九月廿七日
賜南書房翰林編修臣祁寯藻

蓮華峰古蹟考畧

蓮華峰



法鏡寺

翻經臺

夢謝亭

舍利塔

三生石



七葉堂

月桂亭

西嶺草堂

曲水亭

瓔珞泉

連雲棧

附錄題名

臣等謹按武林古稱僧海精藍名刹所在多有靈隱天竺其尤也靈隱自唐羶薌千載而天竺以大士像教祈禱利民今特盛於上寺其實下天竺與靈隱同建自慧理靈蹟攸先蓮華峰始見水經注靈隱在其陰下天竺在其陽層石秀矗

單椒傑峙周為舍衛之城分作者
闢之窟伊晉以來開堂造寺揭榜
摩厓禪客題詩名流摘詠傳者夥
矣成書具存真境猶在固不待開
山鑿空始足標新領異也匯而數
之得景凡十有二其昔有今無不
敢附會增益謹採諸書所載合綴

進

分系具如左方云大學士閩浙總
督臣三寶浙江巡撫臣王亶望恭
輯呈

蓮華峰

後魏酈道元水經注

靈隱山在四山之中有高嵯洞穴又有孤石壁立大三十圍其上開散狀如蓮華

宋釋契嵩武林山志

稽留峰之西曰蓮華峰有巖號玉女其蓮華之東者曰飛來峰乃西僧慧理所謂此

蓮華峯

吾國靈鷲小嶺之飛來者也

宋咸淳臨安志

蓮華峰錢塘記云峰頂有孤石可四十圍
頂上四開狀似千葉蓮華

明虞淳熙蓮華石品論

牛竒章僧孺以甲乙丙丁列石品謂太湖
石為甲羅浮天竺石為乙焉其言天竺也

猶言蓮華峰與飛來峰也蓮華之名若獅
豹兕象莫可形容也而其鮮葩則若芙蓉
焉故以為蓮華也雖然其甲於太湖乙於
太湖吾不得而知也而其與羅浮並者則
奇章之不予誑也而惜乎後之人欲伐之
也東坡之去杭也僧惠淨贈以石東坡詩
曰還將天竺一峰去要把雲根到處栽其

愛石也不亦至乎然東坡兩為政於杭也
未嘗伐而取之也而奈何後之人不知愛
也

國朝徐增靈隱寺志

蓮華峰在飛來峰西高起而睽屬者是也
高百尺從下遙望下濶上銳從頂視下其
石四面數開如蓮華瓣狀故名又云飛來

峰一名靈鷲峰其實一山也

謹按蓮華石屢見於前人詩文
唐盧元輔詩云遠客偏求月桂
子老人不記石蓮華張祜詩云
何處去猶戀更看峰頂蓮又宋
羅處約靈隱寺碑有懋蓮華之
石翻貝葉之文洞深有天巖垂

為室晉宋以來賢能迭居等語

此外專詠之作並錄於左

唐白居易三年為刺史二首錄一

三年為刺史飲冰復食蘖惟向天竺山
取得兩片石此抵有千金無乃傷清白

宋蘇軾別南北山諸道人下竺僧惠

淨以醜石贈行作三絕句錄一

在郡依前六百日山中不記幾迴來還
將天竺一峰去欲把雲根到處栽

謹按下竺寺坐蓮華峰之陽麓

白蘇所詠天竺石實即蓮華之

石也

宋梅詢蓮華峰詩

巨石如芙蓉天然匪雕飾盤礴峰頂邊

蓮華峯